

選舉考三

文獻備考

三十三

共四十

東國文獻備考卷之七十八

崇政殿 校正

選舉考 五

科制 五

武科

新羅時以射藝取人

高麗睿宗四年置武學曰講藝齋試取韓自純等

仁宗十一年罷武學取士法先是朝廷患武學齋生
赴舉者少策論雖不合格隨分選取得第甚易諸生
爭屬武學武學漸盛將與文學人角立不和朝廷深

以爲憂制自今已登第者與文士一體叙用武學取士及齋號並令停罷

恭愍王時成均生員李穡上書曰臣願試武舉之科令充宿衛之士試以武勇而習其藝賜以爵祿而作其氣國足兵精人樂爲用庶幾無他日噬臍之患矣

恭讓王二年初設武科法都評議使司奏文武不可偏廢本朝只取文科不取武科故武藝成材者少請於寅申巳亥年設武科取人如文科儀取通兵書精武藝者永爲定式王從之

本朝太祖二年設武科國制文武科放榜日賜紅牌賜花賜酒一等三人別賜皂蓋

李堅曰麗朝武舉之制雖未詳知我朝式年之規則寅申巳亥之年與文科同設初試於京中及各道各道有定額之數隨其舉子矢數多少而出榜翌年子午卯酉之歲聚會入格初試之人試射六兩片箭騎槍入格然後考講將鑑博議武經中一書四書中一書與大典粗通以上者矢數與講書之數通融合計分等只取二十人謂之會試又以會試之人親臨試才定其

坐次謂之殿試

世祖十二年幸江陵五臺山駐蹕于御林臺取武士

賜第

命改一等賜蓋之規賜旗尋復舊制

經國大典

武科初試院試則訓練院錄名試取

七十人

人鄉試則兵馬節度使定差使員錄名試取

慶尚道三十人

江原道黃海道忠清道全羅道各二十人

鄉吏講武經七

書粗以上者許赴木箭三矢二百四十步每一矢及者給七分過則每五步加一分鐵箭重六兩給分同木箭片箭一百三十步每一矢中者給十五分貫則

倍給騎射每一中給五分騎槍每一中給五分擊毬
出毬門者給十五分橫過給十分○覆試則兵曹同
訓鍊院七品以下官錄名試取二十人矢數與初試同
講書四書五經中一書武經七書中一書通鑑兵要
將鑑博議武經小學中一書並從願○殿試則用騎步
擊毬第其高下甲科三人乙科五人丙科二十人

科

二十六年 上自關西回鑾歷臨延安館舍試守城
將士親臨放榜

命軍兵學習鳥銃入於科舉諸技中

二十九年遣近臣于閒山島設科試成卒賜第從李舜臣請也

成渾疏曰我國之人最重科舉宜於各道特試武科防禦最緊處則分設二三場大舉廣取如平安道例潛伏者盡赴入格則爲精兵其餘矢數則各於名下具鄉里居住不得如前漏落亦可爲調發之兵矣

三十五年設舟師之科朝議以舟師勤苦設試于慶尚道釜山巨濟全羅道鯨島古今島各取一萬七千

餘人

冬改試舟師科取一千六百餘人朝議以內地之人亦多混入請以初試施行

光海初年特設武科於咸鏡道不設文科只以武科放榜

十一年設科廣取武士時邊事日急以咸聚京城爲難分送承旨于諸道設場聚人合取萬餘人時稱萬科

仁祖十四年設平安道武科自願赴戰者無論他道皆許赴取萬餘人

十五年命南漢守堞扈從人勿論公私賤各以一技許赴庭試

崔鳴吉啓曰廣取武士爲國家莫大之弊兵額日縮一也官爵不遍歸怨朝廷二也名器日輕人不安分三也近日言事者徒知赴防之重而不思後日之弊每以廣取爲言臣心常非之近日西路設科猶有大濫之歎又欲於三南譬曉校生試其武藝合榜於前頭別舉莫重科舉何可以一番試才而許其叅榜

具仁垺啓曰經亂以後武科只取弓馬故曉達兵家

者反不與焉自今稍變舊規兼以講書取人上從之

顯宗六年大臣以內三廳乏人啓設武科

肅宗二年庭試初試命分道試取來赴殿試西北嶺南則別遣重臣設行卽其道放榜合取一萬九千餘人

十年始設咸鏡道親騎衛都試

十二年教曰近來武科中可用者甚尠以今番初試榜觀之士夫子弟不過十餘人何以望將來之任用乎朝家用才不擇文武而武弁則以人輕侮之故

士夫子弟絕不赴舉國事寒心諸臣中如有子弟累人者亦勸令學武

南九萬曰中原科制則有武進士武藝數技之外以治安策平邊論試取故入格者雖尠而亦多可用之才矣我國亦有講制而只講音釋便皆得叅士夫子弟雖能講書而武藝不足故常漢之叅榜者居多士族則絕罕萬科之後雜類尤多若欲矯弊則稍重科式而節損取人之數可矣

十三年李師命啓外方試才直赴之混雜扈衛廳直

赴矢數太歇請加變通 上曰扈衛廳直赴其來已
久勸獎之舉一朝停罷爲難且大將親試似無濫觴
外方試藝入格之類勿爲直赴論以他賞

十六年 教曰人臣效忠文武何異而近來武科榜
目中絕無士夫子孫士族之不事武業於此可知設
廳勸武宜矣

三十八年始設平安道別武士都試

四十三年始設江華府壯旅義旅都試

四十四年始設黃海道別武士都試及慶尚道東萊
府別騎衛都試

四十五年始設平安道義州江界宣川昌城三和等別武士都試

今上五年始設江原道別武士勸武軍官都試

十二年始設黃海道追捕武士都試

二十二年始設慶尚道別武士都試

二十七年始設京畿忠清道慶尚道全羅道黃海道江原道選武軍官都試及黃海道鄉騎士都試

續大典 武科式年增廣初覆試錄名試取額數見大典大增廣則初覆試皆倍取○初試兩所各差二品以上一員堂下官文一員武二員試取監察監試

覆試則差二品以上文一員武二員堂下官文一員
武二員試取兩司官各一員監試○講書式年覆試
同大典增廣覆試則只武經七書五經中一書從自
願○殿試試官同覆試又以議政一員爲命官或以
原任
及一品
官代之以十一技列書受點或出一技或出二技○
別試初試分兩所各差二品以上文一員武二員堂
下官文一員武二員試取兩司官各一員監試○殿
試則以議政一員爲命官○以十一技稟旨受點或
取二技或取三技或用分數或用中數初試殿試同
而初試額數稟旨殿試隨入格多少○庭試初試殿

試諸法同別試○謁聖試初試殿試諸法同庭試而
初試則兩所各取五十人殿試親臨○重試十年一
次同文臣試堂下官至出身無職人員並赴初試殿
試諸法同庭試初試兩所額數同謁聖○外方別科
平安道咸鏡道江華濟州等地有特旨乃行或別遣
重臣則同文科除初試卽其地放榜或別遣御史則
直赴殿試以十一技稟旨同○觀武才初試分兩所
各差二品以上文武各一員試取以十一技稟旨同
諸科而以四技依例受點五軍門扈衛軍官有廳時
前任朝官出身閑良以二技取五軍門扈衛廳付料

軍官西北未付料軍官北漢守堞付料軍官軍器寺
別破陣以一技取禁軍則兵曹判書試取加鞭芻及
騎槍交戰合六技以各技取各軍門軍兵自各其營
以鳥銃及各技各藝取○覆試親臨試射差叅試官
二品以上文一員武二員以四技試取又於外處以
議政一員爲命官試鳥銃鞭芻叅試官與親臨同又
於御座左右各差二品試官二員以劒槍等技試殺
手○五軍門諸將校西北付料軍官濟州付料子弟
並除初試許赴具試四技初試入格人只以其入格
之技覆試入格者直赴殿試具龍虎榜則卽日放榜

鞭撻及殺手
支藝無賜第

○都試閑良鞭撻外各技中沒技者原

畫滿一百十分以上則直赴殿試○中日都摠府入

直堂上官郎廳兵曹入直堂上官請標信合坐試取

禁軍扈衛軍官忠翊衛柳葉箭一巡沒技者閑良直

赴殿試○旗隊長該軍門中軍試取柳葉箭一巡片

箭一巡沒技者直赴殿試○宿衛騎士該軍門別將

試取柳葉箭一巡片箭一巡騎撻一次沒技者同旗

隊長○武藝砲手鳥銃三放連三次三中及貫三中

者稟旨直赴殿試○咸鏡道親騎衛都試每年四次

試取閑良沒技者居首者直赴殿試○平安道別武

士都試每年四次試取閑良沒技者居首者直赴殿
試○黃海道別武士追捕武士都試每年四次試取
閑良沒技者居首者直赴殿試○江原道別武士勸
武選武軍官都試依兩西例試取通三鎮居首者一
人直赴殿試○江華壯義旅試才每年春秋試取沒
技者居首者直赴殿試○松都選武試才每年春秋
試取閑良沒技者居首者直赴殿試○統營將士試
才每年水操後試取閑良居首者直赴殿試○東萊
別騎衛試才每年試取居首者沒技者直赴殿試之
次直赴會試追設都試同○舉子保舉主皆以有職人懸

錄諸賤人不許冒赴內侍赴舉者以冒入科場論○
科場用奸者從輕重論罪重者舉子永勿赴舉差徇
官永勿除職○時任邊將之應赴殿試者遞赴○凡
舉子停舉訓鍊院叅外時任三員會議明書罪目移
送入門所

雜科

高麗光宗九年雙冀知貢舉兼取醫卜等業

穆宗二年鎬京醫卜業生在學滿二十年年踰五十
者並許脫麻

三年地理學生滿十年者許脫麻

顯宗八年判給暇醫卜律書業二朔筭業一朔

詳見上

文宗二年判醫業須要廣智雖雜類並令試解

詳見上

三十年判國制明法明筭何論業出身給田惟醫卜

地理業未有定法亦依明法等例給田

詳見上

仁宗十四年判凡明法業式貼經初日貼律十條翌日貼令十條兩日並全通第三日以後讀律破文兼義理通六機每義六問破文通四機讀令亦如之凡明筭業式貼經初日貼九章十條翌日貼綴術四條三開三條謝家三條兩日並全通凡明書業式貼經初日貼說文六條五經字樣四條並全通翌日書品

長句詩一首真書行書篆書印文一窠讀說文凡醫
業式貼經初日貼素問經八條甲乙經二條翌日貼
本草經七條明堂經三條兩日各通六條以上讀脉
經十卷鍼經九卷難經一卷凡呪噤業式貼經初日
貼脉經十條翌日貼劉涓子方十條並通六條以上
讀小經瘡疽論七卷明堂經三卷大經鍼經十機又
讀七卷本草經二機凡地理業式貼經初日貼新集
地理經十條翌日劉氏書十條兩日並通六條以上
讀地理決經八卷經緯令二卷地鏡經四卷口示訣
四卷貼藏經一卷謨訣一卷蕭氏書十卷右五條業

式並依明法業讀式凡筭業監試白丁業經三機筭二機莊丁業經五機筭二機凡律業監試白丁律二機令三機莊丁律三機令三機凡醫卜地理業各其本司試選

十八年中書門下奏明法業但讀律令其登科甚易且於外叙必六經州牧實爲出身捷徑緣此兩班子弟及貢士求屬者漸多醫卜地理業國家所不可廢而今赴舉者少今後明法業出身者清白爲公政譽著聞方許擢用仍禁貢士求屬是業

本朝經國大典 譯科初試額數漢學二十三入蒙

學倭學女真學各四人司譯院錄漢學鄉試黃海道

七人平安道十五人觀察使定差使講書漢學四書

臨老乞大朴通事直解小學講○寫字蒙學王可汗

守成事鑑御史箴高難加屯皇都大訓老乞大孔夫

子帖月真吐高安伯顏波豆待漏院記貞觀政要速

八實章記何赤厚羅巨里羅倭學伊路波消息書格

老乞大童子教雜語本草議論通信鳩養物語庭訓

往來應永記雜筆富士女真學千字天兵書小兒論

三歲兒自侍衛八歲兒去化七歲兒仇難十二諸國

貴愁吳子孫子太公尚書○譯語漢學蒙學倭學女

真學並翻經國大典臨文○覆試額數漢學十三人蒙

學倭學女真學各二人○講書同初試願講五經少

微通鑑宋元節要者聽臨文○寫字譯語同初試○醫

科初試額數十八人典醫監錄講書纂圖脉銅人經

誦直指方得效方婦人大全瘡疹集胎產集要救急

方和劑方指南本草經國大典臨文○覆試額數九人

禮曹同本監提講書同初試○陰陽科初試額數天

文學本學生徒十人地理學命課學各四人觀象監錄名試

取○講書天文學步天歌誦經國大典臨文地理學青

烏錦囊背胡舜申明山論地理門庭撼龍捉脉賦疑

龍洞林照膽經國大典臨文命課學袁天綱背講徐子平

應天歌範圍數剋擇通書經國大典臨文○筭天文學

七政筭內篇七政筭外篇交食推步假令○覆試額

數天文學五人地理學命課學各二人禮曹同本院提調錄名試

取講書同初試筭同初試○律科初試額數十八人

刑曹錄名試取○講書大明律背講唐律疏議無冤錄律學解

願律學辨疑經國大典臨文○覆試額數九人禮曹同刑曹堂

上錄名試取講書同初試

續大典 譯科初試司譯院提調二員同額數見大典

○式年增廣同大增廣則漢學蒙學倭學清學即女真學

各加四人

科下同

○講書

見大典

漢學五倫全備

新增背誦

直

解小學今廢

○寫字蒙學老乞大

見大典

捷解蒙語

新增

倭學捷解新語

新增清學八歲兒小兒論

見大典

老乞大

三譯總解

新增

其餘諸書並今廢

○譯語同大典○覆

試

司譯院提調一員同四學官各一員進叅下三科覆

試上官郎官各一員兩司官各一員額數見大典式年增廣同大增廣則漢學蒙學倭學

同試額數

見大典

式年增廣同大增廣則漢學蒙學倭學

清學各加二人

科下同

○講書同初試○寫字譯語並

同初試○醫科初試

典醫監提調同本

額數

見大典

○

講書纂圖脉銅人經直指方本草經國大典

見大典素

問醫學正傳東垣十書

新增臨文

其餘諸書今廢○覆試

典醫監提調同本
監官二員試取

額數見大

○陰陽科初試

觀象監提調同

三學官各額數見大

○講書

見大天文學天文曆法

新增地理學

琢玉斧

新增地理門

庭撼龍捉脉賦疑

龍今廢命課學天文曆法新增剋擇通書今廢○算

同大典○覆試

觀象監提調一員試取

額數見大

講書

同初試算同初試○律科初試

刑曹堂上官一員同

試額數見大

○講書

唐律疏議律學解頤律學

辨疑并今廢○覆試

刑曹堂上官一員同額數見大

典講書同初試

東國文獻備考卷之七十八

東國文獻備考卷之七十九

崇政殿 校正

選舉考 六

銓注 上

新羅憲德王十四年上大等金忠恭坐政事堂注擬
內外官請托至忠恭莫能舉措感疾而退召醫診
之曰須服龍齒湯執事侍郎祿真曰彼梓人之作室
也材大者爲樑柱小者爲椽榱偃者植者各安所施
然後大厦成焉宰相之爲政也亦然才巨者置高位
小者授下官內則六官百執事外則方伯郡守朝無

闕位皆得其人然後王政成焉今則不然徇私而滅公爲人而擇官愛之雖不才必進憎之雖有能必斥取舍勞其心是非亂其志不獨害於國事爲之者亦病矣若其當官清白莅事恪恭杜貨賂之門絕請托之路黜陟必以幽明予奪不以愛憎如衡焉不可枉以輕重如繩焉不可欺以曲直如是則刑政允穆國家和平雖日開公孫之閤置曹叅之酒與朋友故舊談笑自樂可也又何區區於服餌之間忠恭悅因爲王陳之王曰寡人爲君卿爲相而有人如此不可使儲君不知宜往告太子太子入賀曰臣聞君明則臣

直此亦國家之美事也

高麗靖宗六年判南班及流外人吏將校等子不付工匠案者依父祖有釁咎人例入仕

文宗十年判雜路人子孫從父祖曾祖出身仕路外孫許屬南班若祖母之父係雜路者許叙東班

十二年判嫁大功親所產禁仕路

十六年判僧人之子仕路禁錮至孫方許通

二十七年有司奏按令典工商家執技事上專其業不得入仕與士齒軍器注簿崔忠幸良醞令同正梁惲並工人外孫別將羅禮隊正禮順亦皆工人嫡孫

自慕九流去其所業已登朝行不可復充工匠乞各
限時職不許遷除制曰除清要理民職外一如前制
宣宗二年判同父異母姊妹犯嫁所產仕路禁錮
肅宗元年判嫁小功親所產依大功親例禁仕路
判注膳幕士所由門僕電吏杖首等雜類雖高祖以
上三韓功臣只許正路南班限內殿崇班加轉
六年判嫁大小功親所產並許通

仁宗三年判電吏杖首所由門僕注膳幕士驅史大
丈等子孫依軍人子孫許通諸業選路例赴舉其登
製述明經兩大業者限五品醫卜地理律筭業者限

七品若堅貞節操有名聞者所業特異者擢大業甲乙科則許授清要理民職丙科同進士則三品職醫卜地理律筭學則四品職其非登科入仕者亦限七品至玄孫許通

十二年判嫁大小功親所產曾限七品今後仕路一禁

十八年判工商業人之子雖有功只賜物禁仕路
毅宗元年判大小功親內只禁四寸以上犯嫁五六寸親黨不曾禁嫁緣此多相婚嫁遂成風俗未易卒禁已前犯產人許通仕路今後一皆禁錮

六年判京市案付恣女失行前所產限六品職失行後所產禁錮僧人子孫限西南班七品

明宗時吏部員點初筮仕者姓名入奏號曰點奏於是求入仕者皆賂白銀以爲贄上自判事下至令史習以爲常競占下點

十一年冢宰閔令謨性訥恟少虧操履判兵部李光挺貪頑無識銓注猥濫中書門下郎舍議奏舊制文吏散官外補者皆有年限非有功不得超遷今有一二年超受者有三十餘年不調者政濫人怨請限及第登科者閑五年自胥吏爲員者閑八年以上許得

施行餘皆追寢之詔可時政出權門奔競賄賂無復廉耻自重房上將及宿衛之臣有氣勢者各舉一人占官請調如不得詣執政家張拳爭詰執政畏縮許之銓注猥濫故有是議然其追寢者亦行賂遺故崔忠烈韓文俊之徒力排其議

徐居正曰庚癸以來歸政武夫一二文臣之執國政者動爲武夫掣肘有如令謨之爲冢宰光挺之王銓選不滿公議者又安得鎮武夫不遜之心乎郎舍之論盖以此也當時選法之毀非獨武臣之罪亦文臣執政者之過也

二十年增省宰爲八員先是省宰增至七時論謂非古制及是又增爲八里巷歌曰皇國實無寺省中置七齋七齋今復了八齋復入來盖宰與齋聲相近爲度辭以議之

神宗二年知奏事崔忠獻以兵部尚書知吏部事摠文武銓注

忠獻自兼吏兵部之後常往來二部銓注至是在私第與吏部員外郎盧瑄注擬文武官以奏王領之二部判事但檢閱而已

熙宗五年崔忠獻會賓客設重陽宴使都房有力者

手搏勝者卽授校尉隊正以賞之

任翊曰國家頒政例六月謂權務政十二月謂大政吏兵判事與諸同僚會坐于各部功者陟之罪者黜之一陟一點皆承上命過此時雖有所缺未嘗差授况無功者乎忠獻威傾一國獨專政柄若有所缺則不顧官爵之爲公器乃以眼前小戲亂其邦憲又因左右所托或授東班其頒政無常專恣弄法未有甚於此者矣

高宗十二年崔瑀置政房於私第擬百官銓注選文士屬之號曰必閣赤舊制吏部掌文銓兵部掌武選

第其年月分其勞逸標其功過論其才否具載于書
謂之政案中書擬升黜以奏之門下承制勅以行之
自崔忠獻擅權置府與僚佐私取政案注擬除授授
其黨與爲承宣謂之政色承宣僚佐之任此者三品
謂之政色尚書四品以下謂之政色少卿持筆橐從
事於其下者謂之政色書題其會所謂之政房書批
目以進王但下之而已瑀至拜賤隸爲御史人莫敢
言

四十五年崔鉅以其奴李公柱爲郎將舊制奴隸雖
有大功不得拜官崔沉欲收人心始除其家奴金仁

俊崔良伯等爲別將至是竝以公柱爲郎將奴隸拜
叅官始此

忠烈王初承宣朴恒掌銓注始畱宿禁中除授訖乃
出故事政房員每當除授晨入暮出干謁填門至是
改之

元年王問李汾成曰聞中郎郎將以不得臨民之任
爲憾今欲交差如何對曰武人有吏才者寡如有才
兼文武寬猛相濟者使之臨民可也王納之庚癸以
來權臣柄國始以武官補外及朴恒掌銓注言於王
曰東班必補外然後得授朝官西班則循次以進不

必補外至是武官托左右請復之

二年僉議府請罷內僚叅官不聽舊制內僚之職限南班七品雖有大功只加賞賜未有至五六品者元宗始通其路然拜郎將將軍者不過一二及王之時內人無功者拜豐官高爵腰鞶帶黃者不可勝數僉議府上言微賤者許通仕路混雜朝班有乖祖宗之制請收成命王怒不允

四年承旨金周鼎建議今宰樞甚多謀政無主宜別置必闇赤委以機務王從其議遂置必闇赤

十二年王欲以叅官授一內官左承旨安戩執不可

王强之對曰題品銓注豈臣所堪乞擇賢者代之言
甚剴切王怒起入內殿隨之啓曰臣罪當罷內豎叅
官之命乞須後日王已逾閫顧而厲聲曰可左右皆
懼戩退徐曰殿下許臣矣遂削去擬牒戩典銓注每
守正不阿時稱鐵饅

二十四年忠宣王卽位罷政房以翰林院王選法令
學士崔昂等四人及承旨金昇掌銓選

二十九年王謂左右曰人臣之節漸不如舊昔李混
尹瑤王銓選寡人欲以混弟子和爲行首混辭曰殿
下不以臣爲不肖待罪銓曹而臣之弟爲行首則人

謂臣何又以瑤之子安庇爲權務瑤亦曰臣之子年少臣又掌銓選不敢受命皆固辭再三今之王銓選者先以美官授親戚不令寡人知之况可辭乎此所以廉耻日喪世道日降也

三十三年典理軍簿更定選法先是前王命二司分掌文武選判事判書同議陞黜僉議密直有缺必須馳稟於我乃行宣麻時除授之命皆出前王故王欲不聽二司之奏承旨等進曰此爲前王之命不可不聽強之再三王雖有不協於心亦不可否但領之而已

忠宣王二年文武銓選分委選摠部以首亞相領之
然一二幸臣以他官兼之久而不易

忠肅王七年王狎昵羣小安珪林仲沆及元人李宜
風最見親幸於是復置政房以宜風爲選部典書珪
仲允主政房銓注其他或以舊恩或以諂佞或以勇
力或以賄賂雜術並見寵遇遂使主管銓注進退人
物於是選法大壞

李齊賢曰吏部掌文銓兵曹主武選其法盖與
中原同也崔忠獻擅廢立常居府中與其僚佐
私取政案注擬除授忠獻之子怡孫沆沆之子

文獻集卷之五

竄四世秉政習以爲常謂之政色政房斯乃府中之私稱也若琴平章儀金首相敞朴尚書暄諸名士皆由是以進當世榮之莫知其可羞也柳璈金仁俊旣誅竄歸政王室其政房因以不革以王室之重任襲權門之私稱此可歎也

十六年命金之鏡及高用賢奉天祐掌銓注內臣申時用至政房罵曰乃輩奚獨鬻官而不官吾子孫耶時喪職者皆在庭時用顧曰若等無錢又誰怨也求官者雲集之鏡等夜匿林舍注擬批旣成李仁吉擅改于其第及批目下用事者爭相塗抹竄定朱與墨

至不可辨時人謂之黑冊政事

李齊賢曰德陵初罷政房文銓武選委之選摠部而首亞相領之庶幾有復古之望矣一二腹心熟於銓選者兼之久不易於是頑鈍無耻輕薄冒進之徒乘機而效尤使復古之美意徒爲文具此又可歎也施及毅陵之季日甚一日紫泥之封塗抹於宦寺之手黑冊之謗流播於婦兒之口傳曰作法於涼其弊猶貪作法於貪弊將若之何其此之謂乎

忠惠王四年以姜融爲僉議政丞蔡河甲爲贊成事

曹莘卿等掌銓注罷臺官申君平融本官奴河中賤孽而同時拜相莘卿嘗爲僧以風水之術因王嬖倖王三錫梁載等得進與色目人崔老星及王左右近習表裏用事除拜任意納賂得官幾百餘人申君平皆不署告身坐罷

忠穆王卽位命典理軍簿五品以下黜望申聞

元年復置政房以朴忠佐金永煦辛裔爲提調官時雖去北殿羣小而辛裔康允忠等復進用事不數月姻親故舊布列卿相時人目之曰辛王先是王之卽位東還也李穀在元貽書于執政大臣曰國王恭謙

冲默一國之政聽於羣公則士君子之進退皆出於
諸公夫君子進則社稷安君子退則人民病此古今
之常理也然則用人又爲政之本也盖用人則易知
人則難不問邪正不論高下附我者進之異己者退
之則其用人不旣易乎用人易故政日亂古之人知
其然於一進退之際必察其所行惟恐黷于貨奪于
勢也卽今本國之俗至以朝衣朝冠爲倡優雜劇之
戲宜乎國之不國矣比聞諸公所以輔政更化者與
前日甚不相遠名雖尚老而少者實執其柄名雖尚
廉而貪者實主其權似非國家委任之意矣

罷政房歸文武銓注于典理軍簿

恭愍王元年復置政房

白文寶上書典理軍簿古之政府也古者文武異路世官不相交文資則典理武資則軍簿各任銓注自毅王以後文武世通官亦交授故兩司政官於大內別廳一會議政宜當文武官資一時擬注此所謂政貴變通酌古準今者也近代選法大壞不論資序功罪隨代番更官類積薪前職滿國故奔競僥倖者滔滔皆是又先王制定衙門之外別立諸色冗員都目數多不量勤慢競求冒進宜減

併衙門沙汰不急之任合錄都目庶絕爭名之路
五年教曰政房設自權臣豈爵人於朝之意今宜永
罷其三品以下與宰相共議進退七品以下吏兵部
擬議奏聞

李穡上書言時政八事其一罷政房復吏兵部選
也王嘉納遂以穡爲吏部侍郎兼兵部郎中

李齊賢上都堂書曰官高而降位者偃肆不遵法
年邁而求得者昏懦不任事或以請謁起壠畝垂
金魚者又不足言也請如古制朝士之未入叅者
必經監務縣令至于四品例爲牧守而所謂官高

者年邁者用請謁起壠畝者如不得已寧授京官
勿與親民之任

六年命都目去官人通四書者使赴任不通者爲校
尉隊正定爲恒式然今注擬日逼未易遽學四書姑
令畢讀千字文千字內能書百字者許赴任不能者
年雖久不許錄用

復歸銓選于吏兵部

十年王召吏部郎中李岡曰爾叅銓選其臺諫曠職
者黜之賢才遺逸者陟之丁憂終制者亦須擢用
白文寶劄曰自九品至一品各給職牒所以防奸

近世品職朝謝初則僉署終則一官署故始難終
易今後六品以上各自寫牒投省具署經印七品
以下典理軍簿具署經印同品轉移者只給謝牒
十七年始用循資格

河崙曰循資之格但以歲月久近勤勞多少爲
等第賢知者宜在上而反滯乎下愚不肖者宜
在後而反居乎前此朝廷之所以不尊而廢績
之所以不熙也願理之君其可以此爲用人之
法乎

辛禡元年憲司請革劄子房以文武二選分隸吏兵

部從之不果行

憲司上言各道按廉軍國重事民生疾苦守令得失刑獄爭訟皆委統察所任至重今六朔更代故凡行公事未畢見遞以至廢弛且一年兩度送迎有獎願自今滿一歲方許遞代諫官上言工匠之徒雖或有勞勿許授職

諫官李崇仁等上言近年官爵真假相雜其謝牒但有堂後署而無印信恐後日必有假濫乞東班典理司西班牙軍簿司各令印信署給

辛昌初始復銓選法舊制府衛則自隊正以上諸司

則自九品以上與夫府史胥徒皆錄歲月功過每於歲抄陞黜謂之都目政自禍時權奸竊國官爵一出私門都目政久廢至是追錄其勞

趙浚請公卿士大夫之幼弱子弟不許拜東班九品以上之官

恭讓王時具成祐等上疏曰我太祖初省五樞七之設國人所傳聞也甲寅以來奸臣擅政不論人之賢不肖擢以省樞賄賂多而官數少雖有合坐之名不與國政者多名器混淆而官爵亂矣古者無其人則闕其位願殿下遵太祖之成法勿以親

疎新舊之殊惟賢不肖之爲察以官擇人則官有
餘而人不足其省五樞七之制何患不復乎宜自
今非論道經邦燮理陰陽正己以正百官者非清
白忠直國耳忘家者非勇冠三軍威加敵國者則
不許入兩府

都評議使司奏曰近來各司各成衆愛馬以至府史
胥徒冒受官爵工商賤隸亦濫呈都目乞依古制令
吏兵曹考覈功勞授職其有名無實任者刪去所任
同而去路異名者併合從之

吏曹啓曰內侍茶房司楯司衣司彝等成衆阿幕備

宿衛近侍之任必考其世籍才藝容貌仍試其藝其於書筭射御中通一藝者許令入屬從之

鄭道傳曰古之用人之法有德望識量者爲相有智略威勇者爲將敢言不諱者爲臺諫明察平恕者爲刑官通習筭數者主錢穀巧思精敏者主工匠此六者銓注之條目也

都堂啓曰本國選官之制京外官員三十箇月吏員九十箇月已滿者許遷轉自事元以來官制紊亂用人無法數相遞代曠廢官職今依舊制京外官滿三年成衆愛馬別差及各司人吏滿九年者許錄用從

之

本朝 太宗十二年成石磷啓曰銓注之際召集臣
等於前自九品以上皆親問賢否而除授則冒濫者
無矣 上曰委卿銓衡何必與卿等親執班簿哉

十五年命庶孽子孫勿叙顯職因徐選言也

以權近兼大司成大司成之兼帶自此始

世宗朝元孫入學時特命大司成尹祥爲博士

後以文編

爲博士

以右議政盧閑兼判兵曹大臣之兼帶兵判始此

後有

柳成龍朴淳利
元宗金錫胄等

世祖二年以申叔舟爲右議政仍帶典文衡議政之兼文衡始此

以魚孝瞻爲吏判 上謂孝瞻曰銓選必無人情然後乃可予深許卿無私也

具致寬爲吏判前此長銓曹者於除授之際親執官案亞官以下袖手傍觀致寬思矯其弊凡進退人物博採羣議雖小官卑職未嘗獨薦時徐居正以叅議在政房適醉睡致寬厲聲曰叅議謂致寬注擬恣臆不欲與聞耶他日有用人之失叅議其曰在家不知耶

徐居正疏曰伏覩 聖上慎簡百僚尤重守令之
選選必政府幹曹同薦有文理吏治者視品秩銓
局而量授之遣必引內殿溫諄告諭勉以五事有
十考皆居上者必超擢而用之內官無此例蓋重
之也

鄭甲孫爲大司憲時吏曹誤舉人注官 上御思政
殿受常參河演爲兼判書崔府爲判書俱入侍甲孫
曰崔府不足數河演稍知事理而用非其人請罪之
上怡顏兩解之出外庭二公流汗翻漿甲孫莞然徐
笑曰各盡厥職非敢相害也

韓繼禧爲吏判啓曰臣待罪銓衡常開閣迎士大夫品題人物尚恐不能甄拔賢愚况今設循資之格嚴奔競之禁是使顰瞽辨聲色乞罷之上曰使繼卿者皆如卿則可非卿不可繼禧之注擬人物一出至公不以私貸或有爲親戚求官者不甚拒之曰古人云內舉不廢親苟以謂膏粱子弟稍存形跡非用人大體也

以左議政申叔舟兼判禮曹

後以右贊成朴元亨兼判禮曹

以姜碩德爲大司成知禮曹事不由科第而爲大司成者只碩德一人而已

成宗元年 教曰近者守令之選頗輕率以閑散凡流補之民之愁歎實由於此今後須擇廉介有聞望者除授雖政府六曹郎官亦并注擬

左承旨蔡壽坐事當遷命降左副政院僉啓曰院中上下之間禮分甚嚴寧遞不當降 上答曰如某不

可不在喉舌卿等安知予意不數月超授都承旨

以許琛拜吏判特超一資以行吏判之任命下之日朝野相慶琛廉方公正有藻鑑掄選注擬咸適其才人莫敢干以私

經國大典 京官職凡職銜先階次司次職階高職

卑則稱行階卑職高則稱守行守字在司上宗親儀賓及忠勲府堂上官不稱司七品以下不得越二階六品以上不得越三階而守兵曹同○封君及三品以上宗親並用邑號儀賓同六品以上仕滿九百日七品以下仕滿四百五十日遷官加階無祿官仕滿三百六十日而叙○在任遭喪者無故作散者言官以公罪作散者通計前仕兵曹同○議政府六曹漢城府承政院掌隸院弘文館成均館世子侍講院堂下官及諸道都事守令有缺久任員外雖未滿仕者擇用司憲府司諫院則勿論久任廣選慷慨言事者

注擬○承文院官員寫字吏文特異者弘文館官員
諸道教官及遞見職外非經守令者不得陞四品以
上階兵曹同年未滿二十者勿授東班職諸科出身
者否○贓吏子及孫勿授議政府六曹漢城府司憲
府開城府承政院掌隸院司諫院經筵世子侍講院
春秋館知製教宗簿寺觀察使都事守令職失行婦
女及再嫁女之所生勿叙東西班職至曾孫方許以
上各司外用之凡除授後三品以下員及無祿官本
曹具其來歷啓聞移文議政府司憲府司諫院糾覈
兵曹同○諸科文科甲科第一人授從六品餘正七

品乙科正八品階內科正九品階元有階者甲科第
一人加四階餘三階階窮者陞堂上官乙科加二階
丙科加一階階窮者授准職已准職者陞堂上官其
所加與應授階相等者不及者於應授階又加一階
授階者分差成均館承文院校書館權知○武科依
文科例除授分差別侍衛及訓練院權知○譯科一
等授從七品二等從八品階三等從九品階陰陽科
醫科律科一等并從八品二等正九品階三等從九
品階授階者并差本衙門權知○除授沿邊守令兵
曹同議除授○限品叙用文武官二品以上良妾子

孫限正三品賤妾子孫限正五品六品以上良妾子
孫限正四品賤妾子孫限正六品七品以下至無職
人良妾子孫限正五品賤妾子孫及賤人爲良者限
正七品良妾子之賤妾子孫限正八品兵曹同○告
身凡受職者告身五品以下考司憲府司諫院署經
給之○憲府諫院有故過五十日未署經者啓○未
受告身前行公物故或罷職者其告身已署經到本
曹則給之○政案每三年京外官員具錄出身來歷
呈本曹錄于政案○解由凡除職者考解由兵曹同
濟州牧使則否○老人職年八十以上勿論良賤除

一階元有階者又加一階堂上官有旨乃授○相避
京外官本宗大功以上親及女夫孫女夫姊妹夫外
親總麻以上妻親父祖父兄弟姊妹夫并相避學官
軍官則勿避議政府義禁府吏曹兵曹刑曹都摠府
漢城府司憲府五衛將兼司僕將內禁衛將承文院
掌隸院司諫院宗簿寺部將史官則并避本宗三寸
叔母姪女夫四寸姊妹夫外親四寸兄弟聽訟吏兵
房承旨及吏兵曹官員有相避者勿除職滿仕者例
遷兵曹都摠府堂上官兼司僕將內禁衛將五衛將
則雖非同衙門通爲相避○宗親府親盡則依文武

官子孫例入仕○議政府堂下官並用文官舍人有
缺以檢詳不計仕數陞差○敦寧府宗姓九寸異姓
六寸以上親王妃同姓八寸異姓五寸以上親世子
嬪同姓六寸異姓三寸以上親已上寸內姑姊妹姪
女孫女夫除授先王親同大君女嬀公主子初授從七
品公主王子君女嬀翁主子從八品○義禁府堂上
以他官兼○六曹吏禮兵堂下官並用文官○承政
院堂下官並用文官○經筵以他官兼○筭員加階
從六品去官○弘文館並用文官提學他官兼○藝
文館提學他官兼奉教一年兩都目二員去官○成

均館並用文官同知事以上他官兼博士以下以司
錄奉常直長兼次次遷轉兩都目三員去官○春秋
官並用文官他官兼○承文院並用文官叅校以下
他官兼博士以下奉常寺直長以下一員兼次次遷
轉兩都目二員去官○奉常寺正以下並用文官○
觀象監主簿以上並以出身者除授天文學習讀官
從六品去官後守令取才入格者叙用禁漏從六品
去官○典醫監主簿以上並以出身者除授○侍講
院並用文官副賓客以上他官兼○宗學司成以下
典籍以上兼○內需司加階從六品去官○外官職

階及遷官加階行守並同京官○畿外諸陵殿叅奉
觀察使擇本道人擬啓○教授牧以上則文臣都護
府則生員進士中擇差○年過六十五歲者勿外叙
堂上官及未挈家者不在此限親年七十歲以上者勿差三百里外
遠邑守令

大典續錄

官職禮賓寺軍資監提調以戶曹判書

濟用監提調以戶曹叅判差任○文昭殿提調一員
以戶曹堂上差任○奉命宰相正一品則都體察使
從一品則體察使正二品則都巡察使從二品則巡
察使三品則察理使隨品稱號○千秋使以從二品

擬啓○各道正二品以上觀察使京職兼差兩界則
否○二品以上文臣及雖非文臣曾經議政府六曹
漢城府堂上員特進官稱號每經筵二員入叅○各
道觀察使以拜辭日始計遞節度使同○羽林衛將
三員從二品以他官兼○除授中外有闕處不得已
非時擬望則須會吏曹議啓○生員進士雖無保舉
隨才注擬○平安永安道士官告身該曹都封下送
○兩界沿邊守令廣擇文臣可用者或於長官或於
佐官隨其職秩交差○前銜文臣師表可當人五員
揀擇學官稱號軍職除授成均館當仕教訓四學官

員有故則亦分差○外方叅奉內非取才人員試才
後京職除授○觀象監習讀官內年久筭學精通人
東班叙用兼差本司勿叙外職醫書習讀官及漢學
習讀官亦同○迎曙道金郊道大同道察訪擇秩高
勤儉人京職兼差○樂生樂工別例役使功勞依大
典差等給別仕取才入格則并計授職○漢學講肄
官雖未經守令依承文院例加階○藝文館成均館
承文院校書館七品以下官呈辭者還敘時勿陞叙
於本品擬望訓練院同○成均館司成以下典籍以
上經明行修堪爲師表者毋過五員吏曹同禮曹成

均館堂上擇差勿叙他官不計仕數以次遷轉雖未經守令許陞四品以上階○一年捕虎十口以上守令資窮准職者代加未准職者於時職陞一等○承文院預差諸員三人領職除授窠闕數少則一人除授○畫員詣闕別畫時領職除授○再嫁子孫勿叙東班職○署經議政府吏兵曹司憲府司諫院掌隸院弘文館春秋館知製教宗簿寺侍講院各道都事守令職除授人員署經時并考妻四祖○久任各司久任人員其司提調該曹堂上一同磨鍊移文吏曹啓聞置簿○典醫監觀象監惠民署久任官並令取

才隨其分數多少典醫監觀象監則判官以上惠民署則直長以上職陞降除授取才未入格者授叅奉○成均館祭器書冊所掌久任一員雖臺諫守令勿移差○祭享宗廟大祭獻官以議政府六曹漢城府堂上差定若皆有故則他宰相擇差○各祭獻官凡干雜故單字啓下吏曹後卽送司憲府有故真僞閱實托故者科罪○四學官員不得已大祭執事外勿差他務○遞見倭女真二學取才之次各一人及仕多各一人西班牙七品以下陞降除授○觀象監祿官十七內天文學十一地理學二禁漏二命課學二

燕山時魚世謙以大提學陞右議政朝議以爲當今

文章之士無出其右遂令仍帶文衡大臣之兼帶文衡前有申叔舟

而兩館大提學兼帶則實始於此故後皆援此例

中宗十二年以副提學李荇移拜大司成教曰以

副學爲大司成舊無是例但作人爲重故特授之

十三年特陞李荇嘉善拜大提學嘉善大提學稱守大提學國初申穡

辛頤祖雖亦陞嘉善爲大提學然時集賢大提學以他職兼與今異故堂上陞文衡皆援李荇之例

白仁傑爲藝文館檢閱故事政曹開政則藝文館一

員詣政廳書其得失仁傑以眇然新進能復其廢執

筆往惟謹政曹甚憚之

李晬光曰每大政則翰林二員分詣政廳書其得失有宣醞則坐於正郎之右晬光爲史官時亦嘗預焉祖宗朝立制之意有在而今不復見矣

又曰藝文應教必以將主文者兼之金貴榮盧守慎姜士弼李山海辛應時柳成龍許紱隨闕除授自許紱後常缺而不補壬辰後李好閔外絕無兼帶者蓋重其選也

金安國以崇政再拜大司憲趙元紀以二品爲副提

學

二品副
學始此

二十年沈光彥擢科未唱榜銓曹擬正言從士望也
許砮爲吏判啓定初仕五人擬望之制且選居泮儒
生年高行備者別署一簿量才注擬

大典後續錄 官職魚川道銀溪道察訪依迎曙金
郊大同道例擇差兼授西班牙職係關驛路事直啓○
成均館學官校書館昭格署別提作散文臣雖未經
年擬差○軍器寺弓箭該掌僉正判官中一員及別
坐擇知弓矢武臣差任○新及第元有職者階雖五
六品未經六品實職者分館冒年試才教授及屬忠
順衛忠贊衛者雖經六品實職亦分館年滿五十而

有才行無一資者超授六品實職○除授軍職中擇勤幹者二員漢城府假郎廳稱號本府常仕監輸田稅考勤慢殿最○僉使萬戶廉謹卓異者觀察使節度使啓聞遞來時隨品擢用勸勵○各道驛丞並革罷察訪差遣○老職堂上加東西班實職四品已行人外不許除授○江界府使以堂上官差送○以封君授西班牙職者并封君下批○沿邊挈家守令於五品以下軍職隨闕兼差兩界僉節制使萬戶以內禁衛兼司僕兼差○各堡權管以兼司僕以內禁衛院權知及前街有武才人擇差二周年相遞褒貶居

中者降授司勇居下者并本職改差○賤人爲良者
之子限正八品○凡軍士實職從其都目應授階擬
除且軍士及雜職人員加資下批未出告身以前資
薦狀者出告身考准則依其資授應授階凡軍士告
身諸道限一年兩界限三年受出過限者勿用○原
從功臣及子孫勿以其蔭許屬忠順衛○破陣軍依
正兵例仕滿一百二十加階良人正職正三品而止
賤人雜職正六品而止○雜令錄事書吏仕他衙門
者國家大事外毋得給別仕爲先叙用○凡在外人
員除職者近道中道三十日遠道四十日內謝恩過

限者啓達改差○守令於本邑有田十結或壯奴婢十口以上者遞差

明宗三年洪彥弼爲左相領相尹仁鏡曰見廟堂先生案韓明澮遞領相九年後還爲左相鄭光弼遞領相越十年更爲左相洪彥弼座日本在臣上請以彥弼陞領相上曰不必讓也大司憲具壽聘啓以座目陞降未便命招六曹判書以上兩司長官議之皆以爲當從座目前例亦然遂命仁鏡降左相

五年洪應啓曰五鎮判官始以文官除授而今爲成法五鎮防禦甲兵之事固非儒者所能也今者例遣

文臣故年少武臣不知五鎮之事此甚不可請自今
五鎮內文臣三員則武臣二員武臣三員則文臣二
員差授上曰雖邊鎮不可專用武臣故以文臣試
之爾

八年大司成缺大臣請以堂下官有文行者擇差乃
以李滉擬差

宣祖五年李珥請依祖宗朝故事以未出身人通
臺諫上議于大臣皆是其言允之

李珥請成渾以閑官兼經筵職上以未出身難之
金宇顥曰未出身者除官必從大典者指門蔭也若

山林賢者則當以格外殊待也招之以賢者而待之以門蔭非用賢之道也

李晬光曰申光漢爲判中樞和臣沈連源尙震以申光漢立朝最久年高有學而又在從一品請陞秩除領經筵於是特陞正一品今則時任議政外不得兼帶領經筵非舊例也

六年以李後白爲吏判每除一官遍問當否若誤除不合人則輒終夜不眠曰我誤國事

李珥疏曰古者爲官擇人久任以考其績今則爲人擇官不論才之當否惟以多歷清要爲榮故朝

遷幕移一人盡經各司如是而求其不瘝厥官者未之有也今若不改此謬規則治道無由成矣

李晬光曰在前凡官必計朔陞遷如銓曹郎官非滿三十朔則不得遷轉例也鄭錫堅自吏曹佐郎陞持平諫院啓以銓郎未箇滿而陞遷不可降爲刑曹佐郎先王朝唐興府院君洪進由六品二十餘朔拜獻納猶以驟陞引嫌近來則朝除夕遷陞秩無漸矣

又曰高麗時頒政有定式我朝則一年兩都目外隨闕隨差或至逐日爲政與古異矣聞中朝

每月二十三日吏部會選其餘則唯大段除拜會推而已

十四年特命相臣柳成龍兼吏判成龍辭曰國朝以來未有此事萬一他日專擅之人以臣藉口則國家無窮之禍自臣始矣上曰身居相位把弄朝柄者豈皆兼吏判而然

趙憲上疏曰臣竊惟東方人才之盛視中夏不滿二十分之一求其經邦論道者蓋難屢遇而當局思職者亦不多見矣政曹乃於注擬之際論不豫定坐于政廳然後執筆始議三望全合者無幾矣

至於闕夥員乏之際則僅備一望餘皆苟充羣情所以不厭公論所以喧騰也

李珣請親政曰親政則必用超遷久任之法 大明羅欽順請用此法而中朝不克從 世宗用人以此法故其時庶績咸熙若使官爵朝更夕改百事不做矣

李珣秉銓三年以破朋黨恢公道革舊弊清仕路爲務如簡賢士以充臺憲擇學行以爲師儒舉恬退以礪名節薦吏才以試臨民重監司之選嚴守令之薦皆一時所請施行者尤慎簡初仕及守宰

西北人久不通顯珥以爲不可以地拘始通臺憲
宋翼弼列書若干人以薦珥粘之憲間金長生往
見而大驚請去之對曰此何妨泛論人才是伊川
之所不辭也

大司憲有闕政廳以宰相多被戶曹推考可入望者
只柳希春一人爲啓上命單望注擬希春出肅以
大司憲單望銓曹不以無前例回啓請堂郎罷職

柳希春久任副學後陞資憲上曰希春可合副學

雖無例除之

後金晬鄭經世亦
以資憲爲副學

以吏曹叅議金弘微兵曹叅議許箴爲備局副提調

備局副提
調始此

仁祖元年以右副承旨洪瑞鳳差槐院副提調

槐院副提

此調始

李晬光曰槐院提調必極選有文望之人在前
爲承旨則減下近規有以承旨兼

十六年以右議政沈悅兼領度支大臣白 上曰竊
聞宣廟朝舊制如吏判雖使相臣兼之而實有判
書云此時錢穀煩劇之務專委之相臣則體統有妨
差出判書而相臣兼領則不違於前例無碍於事體
矣 上從之

崔鳴吉啓曰大典吏典六品以上官員仕滿九百日方許遷官 祖宗朝謹守此法六曹郎廳佐郎三十朔方陞五品正郎三十朔方陞四品故職事無曠廢之患仕者無驟進之嫌 上從之

又劄曰高山察訪驛在北路初面故例以六品以上文官爲之而不得可合者則往往以叅下文官有才者除授則西路兩驛亦何以異此臣意叅上如不得可合則間間以叅下有才者差遣亦無不可蓋陞遷則勸勵倍他年少則志氣方銳而叅上則二年乃遞叅下則三年乃遷既有勤職之實又

有久任之效如得其人所補必不少也

金尚憲疏曰臺閣之官時時補外使之諳練民事者是祖宗朝已行之規在成廟朝多以侍從特除外縣未久又授內職此即漢時太守璽書徵拜之意也

以金槃爲嘉善吏曹叅議李貴爲資憲吏曹叅判孝宗二年吏判林堦夜對從容言銓選之難仍白宣廟朝蔭官初授職必以生進或功臣忠勲清白扈從人子孫而御覽官案中錄其來歷矣至昏朝始廢此規今宜復舊上曰不亦善乎若錄在官案可以

文獻集

常目在之

李敬輿劄曰廟堂諸臣與銓部同議必擇曾經侍從愷悌才局之士擬議守令兼責養育人才期復湖嶺昔時之盛則必有愈於專取勢力臨時苟充矣

洪命夏在亞銓以判書在外大政過限特命命夏閱政初命夏爲銓郎獨持風裁以恢公道時稱得郎官體

七年初設兼把摠守令令其軍門自辟

特拜金集爲禮曹叅判吏曹奏以禮官之必用文官

法也 上曰稽古讀書之人不可拘於常法也

肅宗卽位初金壽恒啓曰新服之初恐未能的知某
某之可合於承旨臣意則以一時才望擇備三望三
司亞長不可廢則三望之外請依前加擬 上曰然
則擬以三望尋仍舊制

十年以相臣金錫胄兼判兵曹事大臣金壽恒南九
萬議曰 仁祖朝右相沈悅辭兼戶判劄云申叔舟
之禮部朴淳之兵部柳成龍之吏部皆有實判書而
大臣則兼領揔察而已人物進退典禮軍政本曹堂
上往來詢問臣意則閑漫差除外重任緊窠皆令問

議而擬差則其爲主用舍之權無間於身叅政席矣
上從之

十三年 教曰國家治亂係於得人之賢否進退之
權在於銓曹治平無事之時循常注擬猶當勉勵况
今國事多艱之日乎必思所以祛私意恢公道褒節
義崇德行舉廉吏疏滯鬱以爲聳動振作之方考閱
官案隨窠擬入隨擬點下則一政官足矣何必親政
爲哉

宋浚吉劄曰以從二品爲都承旨者陞正二品則不
敢仍職盖以官聯有序不得相撓越故也臣猥蒙恩

渥已躋卿列今若仍據近密則是真爲左右望之龍
斷乞許遞免批曰以正二品爲都承旨不無古規卿
其勿辭

李敏叙判吏曹時疏曰本曹郎廳來言大臣出給
小紙列書五人分付曰監役二窠吾將自辟以此
擬望自辟元非法典所在或與銓官相議舉其可
合者而已六七年來司僕軍器寺僉正判官以上
許令自辟此則其時都提調啓請而後爲之古之
大臣文章任東廳政事任西廳古之吏部尚書爲
錄尚書署紙尾猶且不爲况於此事哉

尹趾完徐文重俱以將兵之官拜大司諫大臣奏以難便遞本職後仍以爲例

二十九年正言俞命一請間以文臣有聲望者差遣關西邊邑以憚壓之上曰治不治惟在其人賢否之如何後廟堂覆啓以間差定式

崔錫鼎疏曰臣謹按經國大典設官分職十考十上者陞叙十考二中於無祿官叙用制法之意此亦可見近來文官堂下作散一百八十餘員蔭官作散叅上四百二十餘員叅下三百餘員武官堂下作散九百餘員前銜甚多而官職有限銓曹知

其如此亦無奈何臣詳考舊近官制東班堂下官
減省一百二十餘員而初仕之增設亦至一百數
十餘員叅上之失祿稱冤其勢固然至於叅下官
則教官監役別檢都事及雜歧直出六品外直長
二十二員察訪八員奉事二十六員叅奉七十一
員察訪奉事皆由直長而陞出其窠猶窄自叅奉
而陞奉事則以二十六員之窠當七十餘員之來
其路甚狹叅下計仕之規則察訪以三十朔爲限
直長奉事叅奉皆以十五朔爲限而其中陵官三
十朔方得十五朔之仕盖因齋郎二員遞直之故

倍其月數也奉事窳窄而叅奉積滯准朔之後恒過十餘朔而始遷今丙子夏季都目叅奉之准朔未遷者近二十人其寃甚矣生進年三十始仕學生年四十始仕而可用之人未必趁卽入官例多四五十後筮仕積仕七八年始出六品雖有才能率歸於老而無用良可惜也爲今之計者莫如減叅下之員而增叅上減叅奉之數而增奉事直長又減齋郎之朔數同於京官然後積弊可少採矣減叅下而增叅上雖未可輕議叅奉之數不可不量宜變通宜將世室及五廟陵官二員中一員換

作七八品而五廟陵官八員作直長世室陵官十員作奉事則直長凡三十員奉事三十六員叅奉五十三員節次陞遷之際不至如近日之窒碍察訪八員不必由直長而陞出依前日別檢變通例在驛加仕十五朔而直陞六品則郵官有乂職之效直長無窠窄之患矣齋郎朔數之變改雖涉重難以理推之則京官亦有多官遞直而無倍朔計仕之事獨於陵官以兩員遞直之故倍其數而計准朔事涉不均今若減其仕日爲十五朔則有疏滯之美而旣同京官亦無倖捷之謂矣

文獻備考
三十二年備邊司啓曰即今文官四館叅外殆近一
百二十人若令循次例遷則前頭積滯之弊有不可
勝言在前栗峰連原自如金泉濟原五驛爲承文叅
下之窠昌樂契樹保安三驛爲成均叅下之窠而頃
年皆作文蔭叅上待四館積滯更爲復舊事定式矣
今當還作文叅外 上允之

東國文獻備考卷之八十

崇政殿 校正

選舉考 七

銓注 下

景宗二年李台佐啓曰西北守令多以武弁差送故
邊民思得文官昔先正臣李珥亦以間差文臣憚壓
隣邑之意疏陳於 宣廟朝故判書李植當 仁廟
朝亦有乘障自效之請誠爲今日年少文臣所可法
者請以三司出入人間差 上從之

三年以文蔭叅上窠窄察訪槐院二窠國子二窠陞

爲六品以文蔭叅上差送

今上三年教曰聞北評事所達邊民皆願一見文倅此後江邊及六鎮守令文武交遞十七年命罷銓郎通清之規

教曰紀綱在上則治權柄在下則亂隨時損益忠質猶然其於節目間事物極則通理之常也弊極則革事之宜也吏兵郎極選而祛其兵選革其郎薦盛意可以仰揣然而郎薦雖革通清之權猶在此名雖革而弊猶在也此非翰薦之比非國初古制循微郎行私意之門亂我朝垂公正之法欲隨

舊典而因弊釐革吏郎通清爲先革之其節目大臣冢宰博考故事稟旨以處

十九年命以曾經侍從擬差吏曹郎

續大典 京官職大夫階東班嘉靖改以嘉義宗班昭德改以綏德正義改以昭義儀賓光德改以靖德崇德改以明德○宰相以軍務奉命者隨品稱號○議政未拜相前兼大提學者仍帶○大提學圈點時無前任則曾經文衡議政處遣史官受薦○曾經大提學人雖爲提學母得辭遞○副提學差出時雖時任銓官啓請備擬○玉堂南床乏望則單付○副提

學都承旨前已兼帶同經筵者有妨坐次同經筵減
下○經筵特進官以文蔭武二品以上抄啓玉堂長
官主抄啓非曾經政府六曹漢城府堂上則勿抄○
武臣擇其有材局遠識者堂上以上注擬正亞卿判
尹左右尹承旨通訓以下交差寺正曹郎非長官則
毋得擅擬○蔭官堂上以上諸曹佐貳及左右尹判
決事堂下寺正倣通清例備員通擬○吏曹郎官以
曾經三司通融差出革其主張通清之弊假郎廳毋
得啓下○翰林圈點一依弘文錄例叅外人員按榜
謄出而時任翰林及曾經人員齊會圈點取次點以

上若債圈則大臣及館閣堂上更爲會圈倣宋朝館
職召試例領監事館閣春秋館堂上玉堂人員參考
科次取三下以上被選人從試等次第付職圈中在
喪罷職人員追後召試焚香回薦應講等舊規一切
革罷○四館叅外勿論免新先後計其實仕陞遷雖
在右位不爲來仕者毋得付職○文科未分館前勿
通說書○宗代未盡之前元無嫡庶之異其子孫文
科弘錄武科宣薦勿爲枳礙○宦侍及醫譯毋得授
輔國資○外官職正二品以上觀察使京職兼差兼
府兼牧處則否○凡瓜限觀察使都事以拜辭日始

計節度使虞候營將同

守令察訪以到任日始計

邊將同

觀察使

二周年計限京畿一年觀察使拿來代限十五日身

故代限十日辭朝過限者論責節度使邊守同○觀

察使非有拿命及臺啓則雖在罪罷依例封啓都事

毋得代行○各道觀察使關係公事則雖他道守令

狀罷○掌試時諸道都事勿以道內人差送○曾經

觀察使節度使者毋得爲其道守令

南北左右兵使
換道則勿拘

○邊地沿海邑守令以文武交差○邊守陞資者十

朔前圖遞則收資雖未滿十朔身死則勿收資○邊

守陞資時長官則直爲擬差次堂則問議廟堂○都

事守令之厭避殘薄規免不赴者赴任後厭避圖遞者各其地限三年定配○海西關東兼營將守令以堂上差出○兼營將城將獨鎮邑守令及沿邊沿海不眷率守令面看交代雖罷職拿問仍授本兼印符勿出兼官○支勅時守令以私義當避者勿遞令兼官代察○善治守令準職承傳者若在五六品則先除四品後除授準職○守令移擬時懸註朔數年滿者毋得移擬○文蔭武年滿七十者勿差察訪○諸科重試人加階依大典文科元有階者例叅外雖乙科以下並陞六品○新及第年滿五十者分屬三館

後陞六品○功臣嫡長上護軍登科者叅外陞六品
叅上加資○除授大院君奉祀人三代後初授敦寧
都正同敦寧以上隨資例授○世子嬪之父初付職
後卽授六品官大君王子夫人之父授九品職○正
卿則毋得口傳差出○兩南觀察使差出時問議廟
堂○名官之以善治善賑當陞嘉善階者通議廟堂
後覆啓○資窮而未經準職者勿許陞堂上○生員
進士雖無保舉隨才注擬○代加者以通德爲限○
臺官之直亞長蔭路之直郡守毋得差除武臣之直
兵使同○從享先賢功臣儒賢戰亡冤死清白吏嫡

長孫外母得冒擬初仕父在則其子母得以嫡長論
○三醫司三品官之子孫勿許承蔭○外官之移擬
他職者道里遙遠官事緊急則啓稟除朝辭赴任餘
勿輕許○凡在外除職者近道三十日遠道四十日
內謝恩過限者啓達改差○宗廟署社稷署各陵宗
簿寺司饗院漢城府五部叅外官中庶當次則陞遷
後以他司換差尚瑞院則換差備擬○開城府教官
還作教授用自辟差送○吏文天文學教授之類勿
論生進幼學年三十以上擬差能麼兒同臚唱引儀年二
十以上擬差○雲臺官勤苦特甚者東西銓揀拔調

用○前朝王氏子孫各別訪問收用○嶺南北關西
關松都人望單子懸註○六品以上陞叙則越品後
毋得通用叅外官陞叙則限六品通用○署經各道
都事守令初除者階雖四品以上並署經曾經侍從
及堂上官則並勿署經○五品以下臺官署經則兩
司備三員三員或不備則雖止各二員啓稟舉行兩
雖未齊會一司備員則先行監察階監察署經先行
雖四品以上亦署與都事守令同
於本廳無礙許出後署經兩司監察時已署經則雖
勿署監察都事守令署經則兩司備二員○凡署經
人員初次見越則再署再次見越則三署三署見越

則遞○凡告身公故外過五十日未署出者啓改○
凡謚號受點後兩司署經○祿牌禁推人員未照律
前毋得受祿且勿舉擬○差定親臨視學時侍講官
經筵領事知事同知事及成均館知事同知事中無
故人員盡數書入講書官則以玉堂及曾經翰林並
七員抄啓○節使迎慰之任毋得以宗班差定○秋
曹及厨院郎廳大祭外勿差祭官○長寧殿獻官以
江華畱守差定通津府使預差莊陵獻官以寧越府使差定
原州牧使預差○齊厚陵穆清殿祭執事以開城經歷差送
有故則移差傍近守令○各陵殿叅奉假官以付祿

忠義差送若無忠義則曾經守墓官人差出齊陵厚陵英陵寧陵各本官所在忠義差送○老人職宗班副守以上年八十封君之父年七十者歲首加資○侍從臣父閫帥父年七十者每於歲初吏兵曹抄啓加資而嘉善以上母得變品超資法當推恩者雖以立春後年甲行世一從生年加資新有應推恩人雖非歲首亦稟行○侍從臣所後父已資窮則許其推恩生父承重孫之○東西班曾經四品實職以上人員年八十者令該曹歲首加資○士族婦女年九十者令該曹抄啓封爵而其夫則母得因妻贈職○士

庶百歲人加資許其子孫上言京則漢城府外則觀察使歲首訪問以啓○相避出繼者於本生親一體相避○婚姻家並相避○兩司官員勿爲通避一司應避者下位當遞右位則否○臺官與兼臺書狀與使臣並相避○觀察使節度使守令僉使萬戶並交代相避○三南水軍節度使與統制使畿邑兼營將守令與守禦使摠戎使北評事與咸鏡道觀察使有戰船舟師邑守令與水軍節度使該鎮屬邑守令與營將並相避○京畿觀察使例兼兩都畱守畱守與觀察使相避則畱守遞改兩都經歷亦與觀察使相

避○未赴任都事與守令相避則都事遞改邊將與
未赴任兵水虞候相避則虞候遞改○書狀官雖與
銓官相避兼臺例付勿拘○宣惠廳提調郎廳並相
避○各司例兼提調雖與都提調提調有相避勿遞
宣惠廳提調戶曹判書例兼而與他提調勿避郎廳
亦於例兼提調勿避○內三廳五衛將無兵曹句管
之事判書外他堂上勿避內禁衛羽林衛忠翊衛忠
壯衛亦與摠管勿避○咸鏡道南北關及兩南左右
道守令於節度使換道則勿避南關守令於北評事
亦同○叅外官凡有相避者則換差他司通計前仕

外方叅外相避同○雜令 守令之限年禁錮者該
曹待限滿懸註名下書入○承旨勿以外任並擬○
注書隨薦次自本院望定移送吏曹差出而若乏三
望則勿拘二望或單付○注書有故則假注書差出
○承文院叅外官六月都目二員十二月一員陞六
品吏文學官三員並以蔭差仕滿四十五朔遷轉○
贊善進善以有學行士望者擬差或單付諮議用別
薦而無可合人則問議廟堂勿拘幼學差出○備邊
司郎廳武叅外仕滿十五朔陞六品○義禁府都事
叅外仕滿九百陞六品○通禮院假引儀從除授次

第不計仕陞兼引儀仕滿三十朔陞六品○繕工監
假監役從除授次第不計仕陞實官通計假官仕滿
九百陞六品○觀象監兼教授仕滿四十五朔遷轉
○德陵以下八陵並以北道人差出仕滿三十朔潛
源殿叅奉陞差○慶基殿則仕滿三百六十日京叅
奉相換潛源殿仕滿九百日京叅奉陞差○內侍童
蒙教官並受司果以下遞兒祿仕滿九百日陞六品
○議政兼兵曹判書則雖不叅政重任緊窠問議○
以封君授西班牙職者并封君下批○議政遞職送西
領事判事員數雖已滿皆付判事○知事同知僉知

事等窠醫譯以承傳見差者限三十朔遞○同知僉知事以老職陞資而除授者限三朔○節度使以曾經邊地守令及防禦使者通擬○陞資拜營將者瓜滿前以不職遞罷勿計朔數多少還收資級十朔前則雖病遞收資○營將十五朔以前毋得遷轉○邊地僉使周年內勿擬他職○江界三水甲山邊將以宣薦人差除待準朔陞遷京職

二十五年命吏曹叅判叅議以長望擬差而叅判以曾擬同經筵已經吏曹叅議定限叅議以曾擬大司成定限

三十八年 教曰非大臣國舅勿付領中樞府事雖
輔國未經冢宰宗伯司馬之人勿付判事仍爲定制
舊例無原任大臣則以輔國陞付領事判事故有是
命

四十二年命持正通清勿論八道惟才是通

教曰雨露不擇地而下王者奉三無私之道用人
其豈偏也况柔遠人之道遐方之人宜先甄用而
一自禁掌通之後持正之通不無其弊至於西北
人今已累年一不檢擬雖以國子分館持難此有
不然者昔之名相巨卿由於芸閣者多先正文正

公李彥迪以芸閣爲名賢故相李尚真以校書分館入翰苑至拜相噫自芸閣其猶拜相其於通清何拘槐院國子且分館時西北人專歸國子其由何在薦主中無西北人故也此後勿論八道惟才通清以除近弊

教曰一遵昔年代柱帖暮年其欲常目諸道文臣陞六後一不經國子一不經守令者作爲一帖至國子守令而未及通清者亦爲一帖書入居住科年及其祖先有顯官亦爲懸註以入噫王者用人當一視文武奚異宣薦陞六後未及爲摠府宣廳者內外三品

後未經營將者亦爲書入而科年居住一體書入

兩銓受教雜令

生進年三十以上始擬初仕承

傳則不拘○教官非生進人則不得擬差前銜則

不拘○監役學生年四十守奉官學生年三十以

上擬差○叅下禁府都事非生進人不得擬差○

叅奉奉事直長各仕滿四百五十陞六○叅奉雖

未準四百五十計仕居首則陞奉事奉事陞直長

亦同而計除叅奉時未準仕後始許陞直長陞直

長後計除奉事時未準仕始許陞六○都政時直

長仕未滿十日以下者啓稟陞六○謁聖庭試別

試文武科甲科一人付六品職○登科前已經司
果者陞六○登科過十年者陳白陞六○文臣叅
下司錄訓導別檢察訪仕滿三十朔陞六○說書
以翰林召試時被抄人通清○吏兵曹郎曾經四
品人不得擬望○舊例獻納望雖玉堂未通銓郎
人必經四品後始爲通擬矣銓郎革罷後玉堂則
皆以當品擬望而兩司則遵故例陞四品後始爲
通擬○亞長望必經納言後通擬而近來只入納
言望者循例通擬○曾經副學人陞嘉善則直擬
大憲庚午因吏判陳白新通備擬○大司成大司

諫互相往來○禮判政府西壁互相往來若以西
壁擬刑工判判尹則必啓請後擬差○三司春坊
大司成擬望時雖外任承旨啓請備擬○曾經大
諫人陞嘉善則直擬知申矣庚午因吏判陳白新
通備擬而曾經吏議人直擬○賓客元非通清而
庚午因吏判陳白作爲通清之窠雖經吏判人亦
必新通○曾經吏判人不得擬於未經吏判人之
下至於判義禁及文任望不拘叅擬○玉堂擬望
時啓請解由勿拘而啓請職外不得他擬○時任
玉堂居中則直出其代而司果居中者之修撰司

直居中者之校理循例擬望右職則必啓請蕩滌
○吏判新除之政相避人不拘擬望○解由未出
人實職則不得擬望兼職則循例備擬而兼察訪
則勿擬○解由雖出有越等人不得擬外任而如
都事及邊地付祿窠則不拘○守令之時任承傳
則不拘朔數移擬前任承傳則準朔後始擬○未
準限守令雖都政營下及物衆地大邑州牧外不
得啓請○凡議薦望於大臣時首堂進去受薦而
開政後則次堂進去單堂上則郎廳進去○諮議
出六後更爲通清擬臺望○凡通清文學爲上司

書次之正言持平又次之掌通則因傳教革罷○
說書不計朔出六所謂朝說書暮正言○春坊則
擬於京外閑漫職○蔭官之陞叙承傳人外不得
陞品復職○蔭官經詞訟秩卑人經察訪監牧官
後始擬守令望詞訟未滿六朔前移他職則更拜
詞訟必經六朔後始擬守令○陵令仕滿百五十
前毋論京外職都政散政不得移擬○未經守令
講者不得擬察訪監牧官○蔭官若經五品則以
縣監直擬郡守雖未經京五品若拜縣令判官則
以外五品履歷直拜郡守○守令講三冊不通汰

去一冊不通兩次不進兩冊不通一次不進及三次病不進以三冊不通施行○六品講兩冊不通汰去一冊不通待後都政更試後陞六○兵曹叅知雖是叅議之下不得移擬刑工曹叅議○時任持平掌令不得擬獻納○時任玉堂非有承傳則不得擬該司正及外任○兼察訪不爲啓請直擬他職○戶禮曹正郎移擬於兵曹佐郎○以僉正副正移擬於正佐郎○六曹兩司經右職不得擬其司左職玉堂春坊則不拘○凡兼臺下批時經執義則付執義掌令持平亦同經司諫則亦付執

義經獻納則亦付持平若只經正言春坊及未通
清人則付監察玉堂則各隨其所經職品付兼臺
○監察禁府都事不得互相往來○監察不得降
品擬望○守令年限六年窠則限六十五歲三年
窠則限六十七歲過此則勿擬○瓜滿貶窠及初
仕非判書不得差出特教則不拘都政後追來貶
窠次堂獨政亦特教差出○三曹郎廳非生進人
不得擬差贊成有傳教後差出○從二品不得擬
於知經筵知春秋左右賓客○曾經檢詳有準職
承傳而更擬者直擬舍人○翰林與知事同知事

相避則知事同知事遞惟領事則翰林遞○營下
邊地守令勿以未經守令人差送○卜相前所帶
提調單提調衙門則遞○邊地守令陞差未準朔
勿拘○左右勸讀依贊善例無實職爲實職有實
職爲兼職○奉朝賀陞資則不待實職隨品追榮
○南北三使臣雖因事坐罷勿出其代叙用復差
○乞郡勿論生養家並許施○知義禁府事中陞
一品則以判事下批○知義禁同義禁通爲三員
而以正卿授則爲知事以亞卿授則爲同知事○
舊例王妣父直付領敦寧今則堂下及幼學初授

都正後陞付領敦寧○敦寧府自領敦寧至叅奉
以有敦寧人擬差○判敦寧移拜判書判尹○知
敦寧同敦寧都正判書判尹叅判左右尹叅議叅
知互相往來○敦寧判官主簿漢城濟用軍資判
官主簿互相往來○宗簿直長非生進人當次則
除拜後相換○玉堂春坊講書院相避啓請擬差
○副學拜弘提則遞副學弘提拜副學則遞弘提
大司成同成均亦同○金吾堂上拜秋堂則遞金
吾秋堂拜金吾則遞秋堂金吾堂上拜承旨及三
司長官則遞金吾○吏曹堂上遞職則隨窠爲置

處○輔國崇祿大夫不得擬叅贊提學同成均○
輔國吏曹判書不得執筆於大臣前故薦望時次
堂替行○兼輔德以已通東壁人擬差○應教乏
人則以二望啓擬○引儀移拜主簿別提○一經
都承旨則不得降授左承旨○都承旨陞資憲後
仍帶○左承旨以下不拘資級先後一從曾經座
次陞降○判校滿三十朔則陞堂上居中則兼春
秋減下○左通禮滿三十朔則陞堂上○宗簿正
三十朔陞堂上○宗簿提調無都提調時一員以
宗班擬差○亞銓政直長奉事以仕次叙陞而不

得復職○加資承傳人未經準職資窮則啓稟取
旨後下批○三司時任亞長資窮準職則承旨望
次堂亦備擬已經三司亞長準職人因他事陞堂
上則承旨望次堂亦備擬○凡有問于大臣差出
之命則罷職及解由未出人破格備擬之意啓稟
○自廟堂直入望則罷職解由不拘○大臣備三
望送于吏曹者有罷職解由相避則還送改望以
來○大臣自辟望則蔭官陞品復職不拘○守令
下等人經二年後更除守令或中軍虞候經一考
始許無礙○下等人更除守令時本品施行不得

陞品○下等蕩滌後京職則當品復職郎署居中
則其都目出代○凡帶職人解見任則過一政後
送西擬望○吏曹亞堂非判書政不得差出○翰
林陞付不得口傳啓下○三司春坊講書院六曹
判書判尹判義禁八道監司吏曹亞堂兼臺不得
口傳差出○臺諫承旨吏兵判有闕守令三窠有
闕都政後殿最守令有闕大臣置處新恩政事百
官加下批並稟政都政及祿都目自下定日入啓
○三銓獨政時差出緊任臺諫玉堂春坊講書院
官吏曹郎兵曹堂郎刑曹堂郎工曹判書漢城府

堂郎監察禁府堂上叅上都事五部官員守令邵
事察訪○時任玉堂同品則移拜春坊自壬午始○曾
經叅知人年八十者依承旨叅議例抄啓加資○
凡除職日限三十日而慶尚全羅平安道則四十
日咸鏡北道三甲則五十日六鎮則六十日○侍
從守令內遷雖以十五朔爲限其若新通勿拘朔
數未準朔懸註通清未行依侍從十五朔爲限事
定式訓鍊正亦如之○殿最點下者上爲中中爲下○禮
兵曹郎官互相往來○假引儀六員以中庶分半
擬差○曾經贊儀不得擬引儀○北道陵殿叅奉

十四員內七窠仍作叅奉三窠作奉事一窠作直
長一窠作別檢二窠作令叅奉奉事直長及令一
窠作蔭窠別檢及令一窠作文窠蔭窠自叅奉至
直長準六十朔陞令文窠自別檢準三十朔陞令
陞令後各準三十朔待都政移差京職今上已
正啓稟變
通○閫帥年八十人依承旨叅議例歲初抄啓加
資○玉堂新錄前勿許陞擬而廟薦則勿拘○道
科元無稟政之事故開政時文武壯元單付○武
科出身皆令赴防於西北邊邑年過六十者親年
八十歲者勿論除赴防則納米兩班子枝勿許除

防○武科新及第自內三廳各抄可合人薦報于
兵曹○兵曹取才以入格人錄用而赴防後收用
○宣傳官薦人初入仕則叅下宣傳官武兼部將
守門將四山叅軍宣薦權管通擬○部將薦人叅
下部將守門將通擬○守門將薦人以取才人又
爲別取才其優等者次第備擬○叅下宣傳官及
武兼仕滿二十四朔計日陞六○叅下部將仕滿
二十朔計日陞六○叅下守門將仕滿十五朔計
日陞六○四山叅軍仕滿三十朔計朔陞六○桂
坊叅下仕滿九百日陞六○權管箇滿以到任月

計二十四朔宣薦權管仕滿後直擬武兼而以三甲江界邊將仕滿懸註○叅上武兼守門將未經六品實職前不得直擬於都事判官等職不次別薦之人不在此限○訓練副正以已經叅上宣傳官經歷訓練僉四品人通擬○訓練正以已經副正府使兵虞候僉使人通擬不次別薦則不在此限○營將以已經三品及守令虞候人備擬○舊陞資營將十朔前不許遷轉○水使以已經邊地防禦使人備擬○兵使以已經水使人備擬○武臣未經邊地之人除拜承旨則以邊地履歷施行已

經邊地之人則以防禦使履歷施行○文兼移拜
他職則仍帶若移拜臺諫則遞○文兼本無箇滿
而庚辰年因特教爲周年窠事定式○別軍職新
除例付遞見部將而登科則陞六單付遞見訓練
主簿陞堂上遞見僉知各受當品祿若在罷散則
自兵曹移文戶曹付散料無解由拘碍之規○摠
管禁軍將忠翊將忠壯將五衛將空闕衛將營將
文兼武兼等職解由勿拘擬望○禁軍將罷散人
亦爲擬望其名下以罷散懸註若無叙用之命則
政廳承旨啓稟○營將及陞堂上窠若以堂下曾

經守令三品者備擬而無加資之命則政廳承旨
啓稟○邊地僉使周年內不得遷轉○曹司衛將
例以五衛將中備望甲申年因大臣所奏一窠則
以文臣直爲擬望差出仍兼五衛將一窠則依前
以五衛將差出○曾經三品者雖時在四五品職
依例備擬於堂上望而以曾經三品懸註○曾經
三品者有下等未蕩滌則不得備擬於堂上望還
除守令經一考後始許通擬○軍職遞兒祿一年
分四等四季朔陞降祿都目啓下後具錄職姓名
移文戶曹照訖付廣興倉題給○四山監役甲戌

年受教變通改稱叅軍以宣薦出身別擇差出與
宣傳官一體調用兼濬川司郎廳○舊例龍虎大
將以單望啓下改以三望擬差○三甲江界地僉
使則以經歷訓僉中擬差萬戶則以訓主武兼中
擬差○訓鍊僉正一窠判官一窠主簿三窠加設
以各軍門哨官仕滿者備望報兵曹則兵曹試身
言書判後訓練主簿備擬後都目減下判官以已
經主簿人擬望後都目減下僉正以已經判官人
擬望後都目減下僉正則非宣薦則不得擬差○
知訓練正二品三望之人則以從二品啓稟並擬

○兩界中軍京畿中軍大興中軍江華中軍履歷
與營將同

贈職

高麗顯宗五年教歷代功臣封贈官爵

睿宗三年命配享功臣各加追封

忠宣王卽位教太祖代衛社功臣及却退丹兵人等
三品以上員除父母之封以祖曾祖請封爵者許之
二十年戰亡將士悉加追贈

恭讓王二年趙浚上言士大夫追贈祖考三代父准
子職祖曾祖遞降妣並同三品贈二代四品至六品

考妣並同吏曹受判給牒從之

本朝 太宗卽位權近上書曰自古有國家者必褒
節義之士所以固萬世之綱常也惟我國家應運開
國 三聖相承文致太平而褒賞節義之典尚未舉
行庸非闕歟前朝侍中鄭夢周光山君金若恒其節
義可尚此二人者宜加封贈 上皆從之命贈鄭夢
周領議政府事金若恒贊成事

世宗十二年 教曰吉再以寒士抗節不仕是人之
所難也贈諫議大夫

經國大典 追贈宗親及文武官實職二品以上追

贈三代父母准已品祖父母曾祖父母各遞降一等
亡妻從夫職大君妻父正一品王子君妻父從一品
親功臣則雖職卑贈正二品一等功臣父贈純忠積
德秉義補祚功臣二等純忠積德補祚功臣三等純
忠補祚功臣并封君

中宗元年命燕山時枉被刑戮者咸加褒贈

宣祖元年 教曰金宏弼鄭汝昌趙光祖李彥迪等
大有功於斯道賜祭贈官贈金宏弼鄭汝昌右議政
趙光祖李彥迪領議政

先是 上問李滉曰朝議欲追贈趙光祖何如滉

曰今日衆論乃彰善癉惡之舉必褒贈光祖是非可明也

八年贈故處士徐敬德右議政初李浚慶當明宗

朝議贈戶曹佐郎至是廷議請加贈上曰其工夫

多有可疑處李珥曰敬德之學出於橫渠深思遠詣多有自得之妙非文字言語之學也於是命

二十五年贈高敬命禮曹判書趙憲吏曹叅判

後加贈

二十六年特贈金千鎰金慶會左贊成同時歿節人贈職有差

三十一年贈李舜臣右議政

仁祖八年命行伍戰亡者贈官

孝宗十年命贈金尚憲領議政鄭蘊判書

肅宗八年以江都死節人宋時榮與李時稷節義無別命一體褒贈從金壽恒言也

十二年命特贈李植領議政植在 仁祖朝以大提

學改修 宣廟實錄至是相臣金壽恒以其殫心纂述之功有非一時勞勩之比筵請追褒遂有是命

二十年命贈吳斗寅議政朴泰輔正卿 教曰兩臣忠節可比於孔道輔

二十五年命贈金時習執義

三十一年命贈洪翼漢吳達濟尹集領議政

孝宗朝初贈堂

上職後加贈吏判至是又加贈領議政

三十九年命京外忠臣孝子旌贈有差

凡四百餘人

四十年復愍懷嬪爵號仍命姜碩期金弘郁贈官

今上四年特贈戊申殉節人忠清兵使李鳳祥左

贊成清州營將南延年兵曹判書裨將洪霖戶曹叅

判

二十一年己卯諸臣未贈職者並命贈職

續大典 大王私親之考贈領議政祖贈左贊成曾

祖贈判書大院君私親之考贈右議政世子私親之

父贈左贊成○王妃考贈領議政

以上三代國舅推恩例贈

世子

嬪考贈左議政大君妻父贈右議政王子妻父贈左

贊成○奉命出疆身歿異域者陞品贈職○除職奉

承傳未除職前身歿者贈相當職○新及第未分館

前身歿者贈相當職

登科而殿試前身死者亦同

○醫譯中庶贈

職者勿許叅判摠管加設同知贈職者勿許左右尹

二十三年命特贈戊申殉節人居昌座首李述源大

司憲述源初贈執義至是上教曰李述源以遐鄉

一功曹能辦顏杲卿事遂命加贈

二十七年因忠清監司洪啓禧狀啓宋翼弼徐起以

道學懿範俱皆卓絕而爲一世之所推仰並特贈持平

二十八年加贈斥和諸臣官一級

二十九年命故徵士金昌翁依李之菑例特贈正二

品

初贈執義至是加贈

三十四年特贈成三問朴彭年河緯地柳誠源李塏

俞應孚正二品嚴興道從二品

肅宗朝贈叅議至是加贈

東國文獻備考卷之八十

